

四庫全書

子部

欽定四庫全書

子部

外臺秘要方卷三十六

詳校官太醫院醫士臣程泰

編修臣倉聖脈覆勘

總校官進士臣繆琪

校對官助教臣卜惟吉

謄錄監生臣魏涼耀

欽定四庫全書

外臺秘要方卷三十六

唐 王燾 撰

小兒中風方四首

千金療少小中風手足拘急二物石膏湯方

石膏

雞子
大

真珠

一兩
研

右藥以水二升煮取五六沸內真珠煮取一升去滓
稍稍分服之

又療少小中風脉浮發熱自汗出項強鼻鳴乾嘔方

甘草

炙

芍藥

桂心

生薑

各一兩

大棗

四枚

右五味切以水三升煮取一升去滓分溫三服忌如

常法

此張仲景桂枝湯但劑分小爾

又療少小新生中風二物驢毛散方

驢毛

髻頭毛一把

生麝香

大豆許二枚

右藥以乳汁和於銅器中微火上煎令焦熟出研末

之小兒不能飲以乳汁和之於箒竹筒中盛寫入咽
中然後飲乳汁令入腹

又療小小新生肌膚幼弱喜為風邪所中身體壯熱或
中大風手足驚掣五物甘草等生摩膏方

甘草

防風

各一兩

白朮

桔梗

各二兩

雷丸

二兩半

右藥切以不中水猪脂一斤煎取成膏合諸藥於微
火上煎之消息視之凝膏成去滓取如彈丸大一枚

灸手以摩兒百過寒者更熱熱者更寒小兒雖無病

常以少膏摩顙上及手足心甚辟風寒良

翼同並出
第五卷中

小兒欬嗽方八首

小品療少小欬嗽腹脹七物小五味子湯方

五味子 碎

紫菀

各一分

黃芩

甘草 炙

麻黃

去節

生薑

桂心

各一分

右藥吹咀以水一升煮取七合分五服忌如常法

又療少小欬嗽晝差夜甚初不得息不能復啼四物欬

冬丸方

款冬花

紫苑

各一兩半

伏龍肝

一分

桂心

二分

右藥搗篩蜜和如泥取如棗核大塗乳頭令兒飲之

日三

千金同

又療少小十日以上至五十日卒得暴欬吐乳嘔逆晝夜不得息四物湯方

桔梗

紫苑

各三分

甘草

一分炙

麥門冬

七分

去心

右藥切以水一升煮取六合去滓分五服以差為度

千金有桂心無桔梗以水二升煮取一升以綿著湯中捉綿滴兒口中晝夜四五過節哺乳

又療小兒中冷及傷寒暴欬嗽或上氣咽喉鳴氣逆者或惡寒鼻塞清水出紫菀湯方

紫菀

杏仁 去皮尖

甘草 炙

黃芩

麻黃 去節

橘皮

桂心

青木香

當歸 各一兩

大黃 三分

右十味切以水三升煮取九合去滓一歲以上至五

歲兒以意量之分服

千金云兒六十餘日至百日一服二合半百餘日至二百日一

服三合
餘同

千金療少小欬嗽八物生薑煎方

生薑

七兩

乾薑

四兩

桂心

二兩

甘草

三兩

杏仁

一升去尖皮

款冬花

紫菀

各三兩

蜜

一升

右藥末之以蜜合諸藥微火煎之使如飴餈量其大

小多少與兒含咽之百日小兒含如棗核許日四五

甚良

出第五卷中

備急療少小欬嗽上氣杏仁湯方

麻黃

八分
去節

杏仁

四十枚
去尖

右二味切以水一升煮取七合去滓分服百日小兒患熱氣急不得服小便赤黃服之甚良大人孩童以意量之忌如常法

又療少小欬嗽方

紫菀

六分

貝母

三分

欬冬花

一分

右三味搗為散取豆許著乳頭令兒飲之日三妳母

忌如常法

劉氏療小兒欬不得卧方

甘草

六分

桔梗

四分

桑白皮

貝母

茯苓

各三分

大青

吳藍

五味子

人參

各二分

右九味切以水二升煮取八合去滓量多少大小與服忌如常法

小兒欬逆上氣方七首

千金杏仁丸主大人小兒欬逆上氣方

杏仁 三升

右一味熟搗如膏蜜一升分為三分以一分內杏仁
搗合強更內一分搗之如膏又內一分搗熟止先食
含之咽汁量其多少日三每可半方寸不得過也

又射干湯主小兒欬逆喘息如水雞聲方

射干 二兩

麻黃 去節

紫菀

甘草 炙

生薑

各一兩

桂心

五寸

半夏

洗五枚

大棗

二十枚去

核

右八味切以水七升煮取一升半內蜜五合去滓分
溫服二合忌餵羊肉生葱

又方

半夏

四兩洗

生薑

三兩

桂心

紫菀

細辛

阿膠

各二兩

甘草

二兩炙

款冬花

二合

蜜

一合

右九味切以水一斗先煮半夏取六升去滓內諸藥

煮取二升五合去滓兩歲兒飲六合五歲兒飲一升
量大小多少加減之

又五味湯主小兒風冷入肺上氣氣逆面青喘迫晝夜
不息食則吐不下方

五味子

二分

麻黃

去節一分

當歸

二分

人參

一分

細辛

半分

乾薑

一分

桂心

一分

紫苑

一分

款冬花

半分

甘草

炙一分

大黃

六分

右十一味切以水二升半煮取九合去滓兒六十日

至百口服二合半百日餘至二百日一服三合

一方無款

冬大黃有大棗三枚出第五卷中通按食則吐乃吐食也不下不大便也故用大黃以下之氣降而吐自止

喘自定

千金翼療小兒寒熱欬逆膈中有澀乳吐不欲食方

乾地黄

四兩

麥門冬

半升

五味子

五合

大黃

硝石

各一兩

蜜

半升

右六味切以水三升煮取一升去滓內硝石蜜煮令

沸服二合日三胷中當有宿乳一升許出兒大者服

五合

又療小兒大人欬逆短氣胸中吸吸呵出涕唾嗽出臭
膿方

燒淡竹瀝煮二十沸一服一合日五服大人服一

升不妨食息乳哺

並出第十一卷中

劉氏療小兒上氣急滿坐卧不得方

鼈甲

一兩炙令極
熟搗為末

燈心 一握

右二味以水二升煎取八合以意量之與服

小兒傷寒方三首

千金論曰夫小兒未能冒涉霜雪乃不病傷寒也大人解脫之久傷於寒冷則不論耳然天行非節之氣其亦得之有時行疾疫之年小兒出腹便患斑者也治其時行節度故如大人法但用藥分劑少異藥小冷耳又療小兒傷寒方

生葛汁

淡竹瀝

各六分

右二味相和二三歲兒分三服不宜煮生服佳

又療少小未滿百日傷寒臯衄身熱嘔逆麥門冬湯方

麥門冬

三分

桂心

八銖

寒水石

石膏

碎

甘草

炙各二分

右五味切以水二升半煮取一升分服一合日三

又療少小傷寒芍藥四物解肌湯方

芍藥

黃芩

升麻

葛根

各二分

右藥切以水二升煮取九合去滓分四服期歲以上

分三服

並出第五卷中

小兒天行方八首

廣濟療小兒天行壯熱欬嗽心腹脹妨方

人參

甘草

灸各一分

生地黃

麥門冬

去心

茅根

各六分

右五味切以水二升煮取七合去滓以意量之分溫

與服忌如常法

又方

麥門冬

去心

茅根

各六分

甘草

灸

人參

各二分

紫苑

升麻

貝母

竹瀝

各二分

右八味切以水二升煮取八合分服忌如常法

千金療少小有熱不汗二味通汗散方

雷丸

四兩

粉半斤

右藥搗篩以粉兒身以差為度

又療小兒生一月至五月乍寒乍熱方

細剉柳枝煮取汁以洗兒立効若渴絞冬瓜汁服之

又療小兒寒熱及赤氣中人猪蹄散方

取猪後脚懸蹄燒灰末以乳汁飲一撮立効

並出第五

卷中

劉氏療小兒天行頭痛壯熱方

青木香

六分

白檀香

三分

又方
右二味搗散以清水和服之以水調塗頂頭痛立差

吳藍

大青

各十分

甘草

炙

生麥門冬

去心

生薑

各六分

茵陳

三分

梔子仁

十枚

蘆根

一握洗

右八味切以水二升煮取九合分溫服之忌如常法

又療小兒天行五日以後熱不歇方

棗葉

一握

麻黃

一兩去節

葱白

切一合

豉一合

右四味切以童子小便二升煎取九合去滓分服之

小兒諸黃方四首

千金療小兒黃方

擣上瓜根汁澄清滴兎鼻中如大豆許日服三合

又方

擣麥青汁服之

又方

擣韭根汁以滴兎鼻中少許即出黃水差

又療諸黃方

小豆

二十一
枚

瓜蒂

十四
枚

糯米

四十
粒

右三味擣散吹鼻中差

並出第五卷中

小兒諸瘡方九首

廣濟療小兒瘡方

取蛇皮燒灰一錢匕和冷水服之

又方

取驢軸下垢膩刮取和麩作燒餅與喫以差止

刪繁療小兒瘡或自能飲或不能飲母含藥與飲之常

山酒煎方

常山 二兩

桂心 一兩

甘草 半兩

右三味切以酒一升煎取七合去滓分服取吐差止
千金常山湯主小兒溫瘧方

常山

四分切

淡竹葉

切一握

小麥

三合

右三味以水一升半煮取五合一日至七日兒一合
為三服八日至十五日兒一合半為三服十六日至
二十日兒二合為三服四十日至六十日兒六合為
三服六十日至百日兒一服二合半百日至二百日
兒一服三合其一歲至七八歲兒增藥水並以此為

率

又方

灸兩乳下一指各三壯

又方

燒雞脆脰黃皮末和乳與服男雄女雌

又方

生鹿角末發時與一錢匕服之

又方

燒鼈甲灰以酒服一錢七至發時服三七

出第五卷中

劉氏療小兒瘡方

黃丹半錢七以蜜水和與服若冷以酒和與服之
良

小兒眼赤痛方八首

古今錄驗療小兒眼痛方

取淡竹瀝拭之

又方

取鯉魚膽點之

又方

取車前草汁和竹瀝點之

又方

以人乳浸黃連點之

劉氏療小兒赤眼方

黃連 二分

朴硝 一分
令乾

右二味以婦人妳汁浸之點眼良

小品療小兒蓐內赤眼方

生地黃薄切冷水浸以貼之妙

又方

取羊子肝薄切以井花水浸以貼之妙

又方

取黃蘗以乳浸點之

小兒諸淋方六首

千金療小兒淋方

車前子一升水二升煮取一升分服之

一方用車前草

又方

以冬葵子煮汁服之

又方

取蜂房亂髮燒灰以水服一錢七日再服

文仲療小兒淋兼石淋方

取特牛陰毛燒灰以漿水服一刀圭日再服

又方

榆皮

瞿麥各六分

右二味切以水一升煮取半升去滓分溫服之

又方

小麥一合 葱白一握

右二味以水一升煮去滓取一半分服之

小兒小便不通方五首

廣濟療小兒熱極病小便赤澁或不通尿輒大啼呼滑

石湯方

滑石

十六分

子芩

十四分

冬葵子

八分

車前草

一切

升

右四味以水二升煮取一升一歲至四五歲服一合

日再服甚良

小品療小兒小便不通地膚子湯方

地膚子

一分

瞿麥

冬葵子

各三分

知母

黃芩

猪苓

海藻

橘皮

升麻

通草

各一分半

大黃

八分

右十一味切以水二升煮取一升大小多少量與服

忌如常法

十金有枳
實無橘皮

千金療小兒小便不通方

車前草

一升切小麥 一升

右二味以水二升煮取一升二合去滓以煮粥服日

三四量與服

又方

冬葵子

一升

右一味以水二升煮取一升入滑石末一分溫分服
劉氏療小兒忽不得小便急悶方

葱白 一握

通草 一兩

冬葵子 一合

右三味切以水二升煮取一升去滓量服

小兒遺尿失禁方五首

千金療小兒遺尿方

瞿麥

龍膽

石韋 去毛

桂心

皂莢

炙去皮子
各二分

雞腸草

四分
車前子
五分

人參 二兩

右八味搗篩蜜丸如小豆每服五丸加至六七丸

又方

灸臍下一寸半隨年壯

又方

灸大敦三壯

又方

小豆葉搗汁服佳

又療失禁不覺尿出方

以豆醬和竈突黑如大豆許內尿孔中佳

小兒大便有血方三首

救急療小兒大便訖血出方

鼈甲

一枚炙
末五分

右一味以水和量多少大小服日三忌如常法

千金
云鼈

頭一
枚

又方

以車釭一枚燒令赤內水中與服差

千金同

又方

燒甌帶灰塗乳上與飲之差

千金同

小兒大便不通方四首

千金紫雙丸主小兒身熱頭痛食飲不消腹脹滿或小
腹絞痛大小便不利或重下數起小兒無異疾唯飲食
過度不知自止哺乳失節或驚悸寒熱唯此丸治之不
差復可再服小兒欲下是其蒸候哺食減少氣息不快

夜啼不眠是腹內不調悉宜用此九不用他藥數用神驗千金不傳方

巴豆

去心皮熬

麩核仁

各十八銖別搗

麥門冬

去心十銖

甘草

炙五銖

甘遂

二銖

真珠

二銖

牡蠣

熬

臘

各八銖

右八味以湯熟洗巴豆研以新布絞去油別搗甘遂甘草牡蠣麥門冬細篩畢搗巴豆麩核仁令極熟乃內諸藥散更搗三千杵如藥燥入少蜜足之半歲兒可服如荏子一雙一二歲兒服如半麻子作一雙三歲

兒服如麻子一枚作一雙四歲兒服如麻子二九五
六歲兒服如大麻子二九七八歲兒服如小豆二九
九歲十歲兒微大於小豆二九常以雞鳴時服至日
出時不下者飲熱粥汁數合即下九皆雙出也下甚
者飲冷粥止之

必効療小兒大便不通方

灸口兩吻各一壯

又方

猪苓 一兩

右一味以水少許煮雞矢白一錢匕與服立差

又主小兒大小便不通妨悶方

白蜜 一合

右一味煎為丸內下部中即通小便不通嚼生葱以
綿裹少許內小便道中即通

小兒赤白痢方七首

廣濟療小兒赤白痢腹痛方

赤石脂

龍骨

地榆

黃連

各四分

厚朴

炙

人參

各三分

當歸

乾薑

各三分

右八味搗散以飲汁服半錢七日再服之蜜丸以乳
汁下三九至七丸亦佳此方甚妙以意量之

又療小兒客冷白痢方

人參

六分

厚朴

炙

甘草

各四分

茯苓

桔梗

各五分

檳皮

各八分

右六味切以水三升煮取一升量其大小可一合為

度以差止忌如常法

救急療二百日小兒赤白痢日夜五十行方

白朮

乾薑

各四分

茯苓

甘草

炙各四分

附子

炮二分

右五味切以水三升煮取一升分溫服之

必効療小兒一歲以上二歲以下赤白痢久不差雞子

餅方

雞子

二枚取白

胡粉

兩錢

蠟

一兩

右三味熬蠟消下雞子胡粉候成餅平明空腹與喫
可三頓痢止

劉氏療小兒赤白痢方

油麻子

一撮許
炒令香

右一味搗末以蜜作漿調與服大人亦療之

又療小兒赤白痢咽脹不出方

黃蘗

半兩
炙

當歸

六分

右二味切以水一升煮取六合分溫服之佳

又方

苋荇子

羊肉

薄切布上

右二味以綿裹內下部中不過再差

小兒蠱毒血痢方九首

廣濟療小兒熱毒膿血痢方

羚羊角

地榆

阿膠

赤石脂

黃連

當歸

各八分

吳藍

茜根

甘草

炙各六分

黃芩

五分

右十味切以水六升煮取二升半量大小服之甚妙
又療小兒熱毒血痢方

犀角

十分

地榆

六分

蜜

三分

地麥草

五分

右四味切以水三升煮取二升去滓量大小服之

又方

葱白

三兩

香豉

三合

梔子

綿裹七枚

黃連

一兩

右四味切以水二升煮取九合去滓分服

又療下鮮血方

取梔子仁燒灰末水和一錢七服之量其大小加減服之

小品療少小熱痢不止梔子丸方

梔子仁

七枚

黃連

五分

黃蘗

三分

礬石

四分燒

大棗

四枚炙
令黑

右五味末之以蜜丸空腹服小豆許七丸差如未除更服忌如常法

古今錄驗療小兒熱痢子苓湯方

子苓 十二分

知母

女萎 各六分

竹葉 切八分

黃蘗

甘草 炙各四分

右六味切以水二升煮取一升分服甚妙

又療小兒痢血犀角檉皮煎方

犀角 十二分 梁州檉皮 二十分

右二味以水三升煮取一升量大小服之神良 崔氏同

又療小兒蠱毒痢血蘘荷湯方

蘘荷根 犀角 屑 地榆 桔梗 各二分

右四味切以水二升煮取九合去滓服一合至再服
劉氏療小兒血痢方

地榆

黃蘗

黃連

黃芩

各六分

馬蘭子

二分

茜根

一兩

生薑

三分

右七味切以水二升煮取一升分服大小量與之一
合至二合為度

小兒熱渴痢方四首

小品療少小壯熱渴痢八味龍骨散方

龍骨 研

甘草 炙

赤石脂

寒水石

大黃

石膏

桂心

栝樓 各三分

右藥搗散以水及酒五合煮散二合量大小分服之
効

又療少小夏月藥大下後胃中虛熱渴唯可飲麥門冬
湯方

麥門冬 去心

甘草 炙各四分

枳實 炙

黃芩

人參 各三分

龍骨 六分

右六味切以水二升煮取九合去滓分温服

古今錄驗療小兒渴痢檉皮飲子方

梁州檉皮

十二分

栝樓

茯苓

各八分

人參

六分

粟米

二合

右五味切以水三升煮取一升二合去滓分服量大

小兒服之

劉氏療小兒痢渴不徹肚脹不能食方

訶黎勒皮

六分

桑葉

十分

炙末

右二味切以水一升煮取五合去滓分服之亦治大人

小兒疳痢方七首

廣濟療老小一切痢久成疳方

白龍骨

六分

黃連

白石脂

雞矢白

熬

胡粉

熬

茯苓

阿膠

炙各四分

右七味搗篩蜜丸以飲汁下五丸漸加至七九十九大

小增減服之

雞矢一作雞屎

又療小兒疳痢渴瘦方

取椿木根

乾末之

粟米

春粉

右二味以蜜和作丸服五丸至七丸十九以差為度

崔氏

同

又療大人小兒久痢成疳方

豉 三升

葱白 一握

桃葉 一握

鹽 二十
顆

苦參 五寸

青黛 一抄

右六味切以水三升煮取一升二合去滓仰卧灌下

部中極妙

又療小兒疳痢困垂死方

益母草

右一味煮食之取差止

崔氏同

劉氏療小兒痢大孔開并有瘡疳痢經四五月吹藥止
痢療疳神驗方

黃連 二分

麝香 少許

右二味相和以竹筒吹下部中三兩度差止

又療小兒疳痢三歲以上口裏有瘡身壯熱及手足心煩大便極臭即是疳痢方

黃連

黃蘗

地榆炙

白頭翁

高良薑

酸石榴皮

生薑

當歸各二分

白朮

一分

龍骨

四分

右十味切以水二升煮取八合分服大小量之其口中瘡以盧會末赤地麥搗末相和塗之下部末蚺蛇膽黃連麝香搗敷之無以竹筒吹少許內下部中差

止亦主小兒疥瘡

必効療小兒久痢無問冷熱疳痢悉主之方

棗

一枚去核勿令皮
破內胡粉令滿

右於炭火中燒令如炭於瓷器中研之以米飲和分
服之一歲以下分服之不過三服差王郎中處得之
此方傳用甚妙

小兒無辜疳痢方三首

備急療小兒無辜疳痢方

龍骨

當歸

黃連

人參

墨食子

甘草

炙各一兩

右六味搗散蜜丸服三九日再以差為度大小增減量之

救急療小兒瘦頭乾無辜無痢方

馬齒莧

右一味搗絞汁服三合以差止

劉氏療孩子頭乾肚中有無辜者益腦散方

地榆 六分

蝸牛 十二分 熬

青黛 三分 合

麝香 一分

人糞 燒灰

蘭香根 燒灰

蚺蛇膽 各一分

龍腦香 兩豆

許

右八味搗散以飲下半錢匕量大小與服之忌如常

法

小兒諸雜痢方四首

劉氏療小兒膿痢直從春至秋冬以來不差者方

薤白 切一合

生薑

蕪荑 各一分

子芩

黃蘗

阿膠

芍藥

厚朴炙

人參

各二分

地榆

當歸各三分

香豉一合

右十二味切以煮銀水重瀝者一升半煮取九合分服以差為度秋末冬末加赤石脂半兩乾薑一分白朮二分大小量之忌如常法

又療小兒痢後虛手足心熱痢縱未斷亦可服之方

橘皮

生薑各三分

右二味切以牛乳半升煎取四合去滓分溫服之

又療小兒水痢不止方

厚朴 炙

黃連 各一兩

右二味切以水一升煎取六合分服雜痢此方並治之

又療小兒久痢方

甘草 炙

茯苓 各六分

人參 四分

黃連 各四分

厚朴 炙

生薑 各二分

龍骨 八分

右七味切以水一升煎取三合欲卧先取鹽麩麝香

為小丸內下部中後服此飲分服甚妙忌如常法

小兒衄血方六首

深師療少小衄血方

桂心 十分

亂髮

洗燒
灰

乾薑

各六
銖

右三味搗篩為散服方寸匕日再

又方

燒桑耳令焦

右一味搗散以內於鼻孔中為丸以內亦得

小品療少小未滿百日傷寒身熱衄嘔逆五味麥門冬
湯方

麥門冬去心

石膏

寒水石各三分

甘草二分

桂心一分

右藥切以水一升煮取八合分服効

古今錄驗療小兒鼻衄不止方

以馬屎綿裹塞鼻孔中

又方

燒髮灰末吹鼻孔中亦佳

又方

單服白馬屎汁三合甚良

小兒齒不生方二首

小品療少小齒落不生方

取牛屎中大豆二七枚小開豆頭小許以次注齒

根數度即當生

千金同

又方

取雌鼠屎三七枚以一枚拭齒根處盡此止二十

一日齒當生雌鼠屎頭尖是也

千金同

小兒頭汗及盜汗方三首

千金療少小頭汗二味茯苓粉散方

茯苓

牡蠣

各四兩熬

右藥以粉八兩合治下篩有熱輒以粉頭汗即自止
又此由心藏熱之所感宜服犀角飲子方

犀角 三分

茯神 四分

麥門冬 六分

甘草 二分

炙

白朮 一分

右五味切以水九合煎取四合分再服即定又加龍
齒四分佳

延年療小兒盜汗方

麻黃根

雷丸

牡蠣

各三兩
熬

甘草

二兩
炙

乾薑 一兩

梁米 一升

右六味搗粉以粉身汗即止

小兒顛開不合方四首

廣濟療小兒顛開不合方

防風 六分

白及

栢子仁 各四分

右三味搗末以乳汁和塗顛上以合為度 千金同

范汪療少小腦長頭大顛開不合臂脛小不能勝頭三
歲不合熨藥方

半夏

芎藭 各一分

細辛 二兩

桂心 三尺

烏頭 十枚

右五味切以淳酒四升漬之晬時溫之以絮熨兒顛

門上朝暮各二三二十日自強急

千金桂一尺又有生薑一升

千金療小兒顛陷方

灸臍上下各半寸及鳩尾骨端又足太陰各一壯

又方

取猪牙車骨煎取髓塗顛上愈生用亦得

小兒解顛方二首

千金療小兒解顛方

蛇蛻皮

熬末

右一味和猪頰車骨中髓以塗顛上日三

又療小兒解顛三味細辛敷藥方

細辛

桂心

各一分

乾薑

三分

右藥搗散以乳汁和塗於顛上乾復塗兒面赤即愈
小兒月蝕耳瘡方三首

集驗療小兒頭瘡月蝕口邊肥瘡蝸瘡悉差黃連胡粉
膏散方

黃連

二兩

胡粉

水銀

研入各一兩

右三味搗為散相和水銀研令相得以敷瘡上縱黃
汁引成瘡亦以粉之即差一方有白礬一兩燒蛇床
子一兩末入用亦甚妙至耳邊到項上並用

又療小兒耳瘡方

燒馬骨灰粉敷之

又方

敷雞屎白佳

小兒臍汁出并瘡腫方一十一首

廣濟療小兒臍汁出不止兼赤腫白石脂散方

以白石脂一兩研成粉熬令溫以粉臍瘡甚良

千金

同

備急療小兒臍中生瘡方

以桑汁塗乳上使兒就飲之

千金同

又方

取殺羊乳飲兒

千金同

又方

取東壁土末以敷之甚良

千金云若汁不止
燒蒼耳子敷之

又方

燒甌帶灰和膏敷之

千金同

又兒生百日臍汁出方

燒絳灰敷臍中

千金同

又兒臍赤腫方

杏仁 二分

猪牙車骨中髓

右二味先研杏仁入此髓和令調以塗臍上

千金同

古今錄驗療小兒風臍汁出甘草散方

甘草

炙

蝮蝮

熬各三分

右二味搗散以安臍中差止甚妙

又療小兒臍中汁不差黃蘗黑散方

黃蘗

炙一兩

釜底墨

四分

右二味搗和作散以粉臍中即差

又療小兒臍著濕煖鹽豉熨方

鹽

豉

等分

右二味搗作餅如錢許安新瓦上炙令熟用熨臍上
差止亦用藥末以粉之妙

劉氏療小兒初生至七日者臍欲落封藥方

雄鼠屎

七顆

乾薑

棗許大

胡粉

三分熬

麝香

少許

緋綿灰

右五味搗研為粉看臍欲落不落即取藥以敷之是
以不令風入故也著乾薑恐痛不著亦得

小兒癰腫方二首

千金漏蘆湯主小兒熱毒癰疽赤白諸丹毒熱瘡癩方

漏蘆

用葉一分

升麻

一分半

連翹

一分

白斂

一分

甘草

炙一分

芒硝

一分

枳實

炙一分半

麻黃

去節一分

半

黃芩

一分半

大黃

四分

右十味以水一升煮取五合兒生一日以上至七日

取一合分三服生八日至十五日取一合半分三服

生十六日至二十日取二合分三服二十餘日至三

十日取三合分三服

又五香連翹湯主小兒風熱青腫腫色白或有惡核瘰癧附骨癰疽節解不舉白丹走遍身中白癩搔不已方

青木香

薰陸香

沉香

雞舌香

黃芩

麻黃

去節各一分

連翹

海藻

射干

升麻

枳實

炙各一分

麝香

半分研

大黃八分

竹瀝三合

右十四味切以水四升煮取二升內竹瀝煮取一升二合兒生百餘日至二百日一服三合生二百日至

期歲一服五合

一方不用麻黃

小兒丹毒方七首

廣濟療小兒丹毒方

青藍汁 五合 竹瀝 七合

右二味相和分為二三服大小量之一合至三合

千金療小兒數十種丹皆主之搗湯方

大黃

甘草 炙

當歸

芎藭

白芷

青木香

獨活

黃芩

芍藥

升麻

沉香

木蘭皮

各一

兩

芒硝

三兩

右十三味切以水一斗二升煮取三升去滓內硝以綿搵湯以搗之乾則易之取差止

又療小兒溺竈丹初從兩脇及臍間起走入陰頭皆赤方

以水二升煮桑根皮取一升以浴之

救急療小兒赤丹一名丹溜方

取小豆搗末以雞子白和塗之以差為度千金亦
療久丹

古今錄驗療月內兒發丹方

升麻

黃芩

犀角

大黃別浸

柴胡

各二分

石膏

三分

藍葉

切三合

梔子八分

甘草

一分
炙

右九味切以水一升二合煮取八合下竹瀝四合更煎取一半去滓分二服甚妙

又療小兒丹毒方

取慎火草搗以封之差止

又方

搗藍汁塗之又藍淀塗之妙

小兒禿瘡方七首

千金療小兒頭上禿瘡方

取雄雞尿白陳醬汁苦酒和以洗瘡敷之日一度

又方

取不中水蕪菁葉燒灰和豬脂敷之

千金翼療小兒禿瘡無髮苦痒方

野葛 一兩

猪脂

羊脂 各一

合

右三味合煎令消待冷以敷之不過三上

千金同

備急療苦頭生瘡白禿不生髮有汁出或無汁乾燥痛

方

煮雞子

七枚剝
去白

右一味取黃於銅器中急火熬乾末以敷之取差為

度

又方

取春秋桃葉心無問多少搗汁塗之

千金并翼治小兒頭不生

髮取楸葉搗汁以敷頭上差

又方

燒鯽魚末以醬汁和塗之

上同

又方

取臘月猪屎乾末以敷之差為度

小兒頭瘡方三首

千金療小兒頭瘡方

胡粉 一兩
黃連 二兩

右二味為末先洗瘡去痂拭乾敷之即愈更發如前敷之

又方

胡粉 二兩
白松脂 三兩
水銀 一兩
猪脂 四兩

右四味合煎去滓內胡粉水銀攪令和調敷之大人

同翼同

救急療小兒頭瘡經年不差差而復發方

雄黃 研

大黃

黃蘗

黃芩

薑黃

雌黃 研

白芷

當歸

青木香

各四分

右九味切吹咀以苦酒浸一宿以豬脂一大升煎候
白芷色黃膏成去滓入水銀一兩以唾於手中研令
消入膏攪相得於瓷器中收每以皂莢湯洗瘡乾拭
以膏塗之日夜再換以差為度

小兒頭面瘡方七首

廣濟療小兒頭面生熱瘡方

黃連

蛇床子

黃蘗

各八分

胡粉

四合

右四味搗散以麻油和塗瘡遍敷之佳

千金療三日小兒頭面瘡起身大熱方

升麻

柴胡

石膏

各一兩

大黃

甘草

二兩

當歸

二兩

右六味切以水三斗煮取一斗去滓以浴小兒瘡上

訖數黃連散

又療小兒身體頭面悉生瘡方

榆白皮

乾者多
少任用

右一味搗末以醋和塗之綿覆上蟲出立差亦可以
猪脂和塗之

千金翼苦參湯主少兒頭面熱瘡方

苦參

八兩

黃芩

二兩

大黃

芍藥

黃連

各二
兩

蛇床子

一升

黃蘗

五兩

拔藜

一斤
洗

右八味切以水二斗煎取一斗以洗兒日三即差

千金

云治上下
偏身生瘡

又方

石南草

大黃

黃芩

黃蘗

礬石

澤蘭

各一兩

戎鹽

二兩
真者

蛇床子

二合

右八味切以水七升煮取三升以絮內湯中洗拭兒
日三度差

備急療小兒三歲患頭上起燂漿如釘蓋一二日及宵

背皆生仍成瘡方

水銀

朱砂

各半兩

石硫黃

一兩研

臘月猪脂

右四味煮桑葉湯洗以敷之勿令猪犬婦人小兒等見之無效

古今錄驗療小兒頭瘡面上亦有日益甚者方

黃連

赤小豆

各等分

右二味搗末以臘月猪脂和塗之即差止

小兒瘰癧方二首

千金連翹丸主小兒無辜寒熱彊健如故而身體項頸
結核瘰癧及心脅腹背裏有堅不痛名為結風氣腫方

海藻

三分洗

連翹

桑白皮

牡丹

白頭翁

防風

黃蘗

桂心

香豉

獨活

秦艽

各四分

右十一味搗篩蜜丸如小豆三歲以飲服五丸至十
丸五歲以上以意加之

必効療小兒項上瘰癧方

以榆白皮爛搗如泥封之頗易

小兒侵淫瘡方三首

備急療小兒侵淫瘡方

取竈中黃土亂髮灰各三分研成粉以猪膏和塗

之差

亦治身赤腫起千金同

又方

燒艾作灰敷之

千金同

又方

以牛屎燒作灰敷之

千金同

小兒蠹蝮瘡方二首

備急療小兒蠹蝮瘡繞身匝即死方

搗蒺藜葉敷之無葉子亦可

千金同

又方

取鷺窠土研成粉以豬脂和塗之乾易

千金同

小兒惡瘡方五首

文仲療小兒身中惡瘡方

取筍煮汁洗之又燒筍皮作灰敷之

古今錄驗療小兒惡瘡方

取豆豉熬令焦黃末以敷瘡差止

千金同

又療小兒惡瘡匝身衆藥所不能療之方

取父根洗取汁以浴兒勿使母知良

又療小兒面及身上生瘡如火燒方

取黃米一升末以蜜水和塗之差為度

又方

以赤地利搗末以粉之佳

小兒火灼瘡方二首

千金療小兒火灼瘡者一身盡有如麻豆或有膿汁乍痛乍痒方

甘草

芍藥

白斂

黃芩

黃連

黃蘗

苦參

各半兩

右七味搗末以蜜和敷之曰二夜一亦可作湯洗之
千金翼療小兒火瘡方

煮大豆濃汁溫洗之差亦令無癩

小兒風癩瘰癧方五首

廣濟療小兒風癩浴湯方

柳木空中屑

二升

蒴藿根

切二升

鹽 二合

櫛木

切一升

右四味切以水二斗煮取一斗入鹽以洗浴頻為之
以差止

又療小兒壯熱隱癩已服湯丸不消宜服竹瀝湯方

淡竹瀝

一升
二合

葛根汁

五合

牛黃

豆粒三
顆研

右三味相和與兒服一歲至五六歲一合至三合五合再服以意增減之

千金療小兒風瘙癩方

蒟藿

切一升

防風

羊桃

石南

秦椒

升麻

苦參

茵芋

芫花

一作芫蔚

蒺藜子

蛇床子

黃礬石

燒

枳實

各一兩

右十三味切以酢漿三斗煮取一斗內礬石令少沸以浴之

又療小兒風搔癢癩方

牛膝末酒服方寸匕漏瘡多年不差搗末敷之主骨疽癩病瘰癧絕妙

千金翼療癩癧方

巴豆五十粒去皮以水三升煮取一升半以綿內湯中拭病上隨手滅神良

小兒疝氣陰癩方八首

小品療少小陰癩白頭翁敷之神効方

生白頭翁根不問多少搗之隨病處以敷之一宿

當作瘡二十日愈

一方三日上
除日取之

千金療小兒狐疝傷損生癩方

半夏

洗

芍藥

茯苓

各三分

防風

一作防葵

大黃

各二分

桂心

椒

各一兩汗

右七味搗散蜜丸如大豆以湯飲下一丸至二丸三

九日五服以差為度

又方

桂心 三分

地膚子 一分 白朮 五分

右三味搗蜜丸如小豆白酒服七九日三服亦治大

人

千金翼療小兒氣癩方

土瓜根

芍藥

當歸 各一兩

右三味切以水二升煮取一升去滓分服五合日三

備急療小兒癩方

以蜥蜴一枚燒灰末以酒服之

又方

灸足厥陰大敦左患灸右右患灸左各一壯即當

差

千金同

古今錄驗療小兒陰癩方

狐陰

一具灸

飛生蟲

十四枝

桂心

附子

炮

乾薑

茯苓

硝石

一作滑石

細辛

各二分

卷栢

桃仁

去尖各
六分

右十味搗散蜜丸大豆許以飲下五丸至七丸再服
差止

劉氏療小兒疝氣陰囊核腫痛灸法

如一歲兒患向陰下縫子下有穴灸三壯差五歲
以上即從陰上有穴灸之即愈

小兒陰瘡及腫方八首

千金療小兒陰瘡及腫方

取狼牙濃煮汁洗之

又方

黃連

胡粉等分

右二味末和以香脂油敷之差

備急療小兒陰瘡方

人屎燒作灰以敷之即差千金同

又方

猫兒骨燒作灰敷之即差千金云狗骨灰敷之

又療小兒歧股間連陰囊生瘡汁出先痒後痛十日五日自差一月二十日復發連年不差者方

灸瘡搔去痂以綿拭令乾以蜜敷麩作燒餅熟即

以錫塗餅上熨之冷即止再度差

千金同

又治小兒陰腫方

猪屎五升水煮沸布裹安腫上

千金同

又方

灸大敦七壯差

千金同

又方

搗蕪菁菜葉根薄之

小兒脫肛方六首

備急鼈頭丸療少小積痢久下下後餘脫肛不差腹中冷肛中疼痛不得入者方

死鼈頭

一枚炙
今焦

小形蝟皮

一枚
炙焦

磁石

四兩

桂心

三兩

右四味搗篩蜜丸如大豆三歲至五歲服五丸至十

丸日三兒漸大以意加之 千金同

又療小兒脫肛方

灸頂上旋毛中三壯即入

又方

灸尾翠三壯愈 千金同

又方

灸臍中三壯愈 千金云
隨年壯

古今錄驗療小兒久痢脫肛方

東壁土

五分

鼈頭

一枚
炙焦

五色龍骨

五分

卷栢

四分

右四味搗散以粉敷之按內之即差

又方

取鐵精粉敷內之差

小兒蜜蟲食下部方四首

千金療小兒蟲食下部方

胡粉

熬

雄黃

末各
等分

右二味以著下部穀道中即差

又除熱結腸丸斷小兒熱下黃赤汁沫及魚腦雜血肛
中瘡爛生蠶蟲方

黃連

藥皮

苦參

鬼白

獨活

橘皮

芍藥

阿膠

炙各二分

右八味搗篩以藍汁及蜜丸如小豆日服五丸冬无藍汁可用藍子一合春蜜和丸

凡三歲以下服三丸三歲以上服五

九五歲服十九

又杏仁湯方

杏仁 五十枚
去皮尖 鹽 一合

右二味以苦酒一升煮取一半量與服之

又療小兒下部被蟲食大腸赤瘡爛方

水銀一兩以漿水煮之取少許以唾研安著竹筒
中吹入下部中三度差

小兒疳濕瘡方六首

備急療小兒疳濕瘡方

以鐵上衣少許內下部中即差

千金同

又方

自大椎數至第十五椎夾骨兩傍灸七壯不差加

七壯

千金同

又方

艾葉一兩水一升煮取四合分三服差

千金云艾葉切五升

以米一斗煮取一升半分三服

又療小兒疳瘡方

胡粉熬八分猪脂和塗之差為度油亦得同

千金

又方

嚼栗子塗之差

千金云嚼麻子
敷之曰六七度

又方

羊膽二枚以醬汁和灌下部中猪膽亦得

千金同

小兒虻蟲方七首

千金療小兒虻蟲方

棟木削上蒼皮以水煮取汁飲之量大小多少為

此有小毒

又方

大麻子研取汁與飲之

又方

石榴根一把水五升煮取一升分二服

又小兒羸瘦有虻蟲方

藿蘆二兩以水一升米二合煮取米熟去滓與服之

又方

篇蓄三兩水一升煮取四合分服之搗汁服亦佳

又方

東引茱萸根白皮

四兩

桃白皮

三兩

右二味切以酒一升二合漬之一宿漸與服取差

又方

蕪荑

六分

狼牙

四分

白斂

二分

右三味搗末以苦酒和量與服之

小兒螬蟲及寸白方五首

千金療小兒蟻蟲方

取猪膏服尤妙

又方

搗生槐實內下部中差為度

又主寸白蟲方

東行石榴根一把水一升煮取三合分服

又方

桃葉搗絞取汁服之

又小兒蟲方

雷丸

芫薺各等分

右二味搗散服一錢七日三

小兒癩瘡方四首

千金療小兒癩方

塚中石灰研敷之厚著之良

又方

燒桑根灰敷之并燒烏羊角灰和敷之

又療小兒疽癰方

丹砂

大黃

各五分

雌黃

雄黃

簡茹

各四分

礬石

燒如馬齒者佳

莽草

各三分

黃連

六分

右八味咬咀以猪脂一升三合微火煎三上三下膏成去滓下諸藥末攪凝塗之差

備急若患漏瘡頭盡開出膿夜復合者方

大附子一顆內鯽魚腹中於炭火上燒灰研以敷之更搗蒜以封之良

小兒疥瘡方六首

范汪療小兒疥瘡雄黃膏方

雄黃

研

雌黃

研各一兩

烏頭

一枚

松脂

亂髮

各一雞子許

猪脂

一升半

右六味和煎之候髮消烏頭色黃黑膏成去滓以敷之熟塗之

千金瘡疥方

以臭蕪和胡粉敷之差為度

備急療疥方

燒竹葉灰以雞子白和塗之以差為度

又方

以亂髮灰以猪膏和敷之效

救急療疥瘡及小兒身上熱瘡並主之方

黃連

黃蘗

赤小豆

臭黃

各一兩

水銀

半兩研
相和

右五味為散以麻油和先淨洗瘡然後塗之甚佳

又療小兒疥瘡等神驗方

黃連

糯米粉

各十分水銀

八分

胡粉 六分

吳茱萸

赤小豆

各一兩

右六味搗散水銀手中和唾研如泥以猪脂并水銀

成膏先洗瘡乾拭令淨以塗藥三兩度差

忌猪雞魚肉

小兒癬瘡方六首

集驗療小兒癬方

以蛇床子末以白膏和敷之

千金療小兒濕癬方

枸杞根搗末和臘月猪膏敷之

一云酢和亦佳

又方

桃青皮搗末以醋和敷之日二

又方

煎馬尿洗之

又方

搯破以牛鼻上津塗之

又方

狗屎灰和猪脂以塗之

小兒誤吞物方四首

小品療小兒誤吞鐵珠子如狸豆大者經年不以為害
後病瘦瘠食不生肌膚時下痢或寒熱服諸藥自療來
反劇不效有師診之云是吞物不消作法服衆藥所吞
物不去終不差令其家中察之云兒近歲常弄十六貝
鐵珠覺失一顆慮是吞之從來積歲實不以為疑之師

六診乃信是故令病矣為處湯藥所患即差復與將療其兒肌膚充悅而忘說其方且記之又有一家女子六七歲許患腹痛其母與摩按之覺手下有一橫物在兒肉裏正平橫爾問兒曰那得鍼在肉中大驚惟脫衣看之肉完淨無有刺處按之兒亦不患鍼痛惟覺腹裏痛耳其母即以爪甲重重介之乃橫物折爪下兩段亦不偏痛迎師診之共察若吞鍼刺物者其嬰兒時不經鯁礙惟恐養兒時母常帶鍼髀抱橫兒體鍼入兒肌膚

中兒縱覺痛啼呼與乳卧息便止遂成不覺今因腹痛
摩之知耳鐵得土木濕皆生屑易朽鍼在人肉中經數
歲肉得血氣皆朽也故介之即折令患腹痛不安但療
腹痛服溫中湯下心腹痛差後長大嫁因產乳不聞道
鍼處為患故記之

千金療小兒吞鍼方

取磁石如棗核大吞之其鍼立出

又誤吞鐵等物方

艾蒿一把剉以水五升煮取一升頓服之即下
肘後療小兒誤吞梅李方

以少許水灌小兒頭承其水與飲之即出良

近効療小兒誤吞錢在喉中不出方

取麩炭末指彈入喉中其兒當便咯出妙

小兒雜療方六首

劉氏療小兒上冷下熱上熱下冷難將息方

犀角末

甘草

生地黃

各六分

芍藥

五分

白朮

茯苓

梔子

各三分

柴胡

人參

大黃

生薑

各四分

黃芩

二分

桂心 一分

右十三味切以水三升煮取一升分溫服之

又療小兒身體滿氣急卧不得方

郁李仁一合搗末和麩溲作餅子如常法與兒喫

微利即差

又方

郁李仁末六分以水七合和調去滓煮粥與兒喫之

又療小兒油丹赤腫方

枯樓三大兩以醎醋搗藥以敷之佳

又方

取蕎麥麵以醋和塗之差

又療小兒野雞下部痒悶方

通按野雞未詳


枳實 二兩

鬼箭

青木香

鬼白 各二兩

右四味搗為末以醎醋和以青布裹以熨之有頭即
破熨訖令根拔去之差止甚佳



外臺秘要方卷三十六